

## **PLATFORMA**

### **o učešću potpredsjednika Vlade za međunarodne odnose i ministra vanjskih poslova mr Ervina Ibrahimovića na 47. svečanoj ceremoniji dodjele nagrada „Najmenadžer & najkompanija“, Sarajevo, Bosna i Hercegovina, 25. jun 2026. godine**

#### **1. Opšte informacije**

Potpredsjednik Vlade za međunarodne odnose i ministar vanjskih poslova Crne Gore mr Ervin Ibrahimović pozvan je da učestvuje na 47. svečanoj ceremoniji dodjele nagrada „Najmenadžer & najkompanija“, koja će se održati u četvrtak, 25. juna 2026. godine, u Hotelu Holiday u Sarajevu, Bosna i Hercegovina.

Poziv potpredsjedniku Vlade za međunarodne odnose i ministru vanjskih poslova Crne Gore mr Ervinu Ibrahimoviću upućen je od strane Direkcije Evropske nezavisne agencije za izbor i promociju najuspješnijih poslovnih ljudi i kompanija, povodom odluke žirija Direkcije evropske nezavisne agencije za izbor i promociju najuspješnijih poslovnih ljudi i kompanija od 28. marta 2026. da dodijeli najvišu nagradu pod nazivom „Zlatna plaketa – evropski najministar“ u okviru 47. po redu svečane ceremonije „Izboru najmenadžera, najkompanija i ličnosti godine“.

Ceremonija „Najmenadžer, najkompanija i ličnost godine“ u Sarajevu okuplja predstavnike poslovne zajednice, javnog sektora, diplomatskog kora, institucija, lokalnih zajednica i drugih relevantnih aktera iz Bosne i Hercegovine, regiona jugoistočne Evrope i šireg evropskog prostora. Ranije ceremonije su uključivale priznanja u više kategorija, među kojima su nagrade za najmenadžere, najkompanije, ličnosti godine, predstavnike institucija, gradova i diplomatske zajednice. U pozivu se navodi da ova manifestacija okuplja najuspješnije lidere i kompanije iz srednje i jugoistočne Evrope, a priznanja se dodjeljuju u više kategorija, uključujući ličnost godine, najministra, najgradonačelnika, najambasadora, najmenadžera i najkompaniju u različitim oblastima poslovanja.

Prema protokolu dostavljenom uz poziv, za 25. jun 2026. godine planiran o je i održavanje poslovne konferencija pod nazivom „Infrastrukturalna integracija kao pokretač razvoja i kohezije“.

#### ***Značaj Učešća potpredsjednika Vlade za međunarodne odnose i ministra vanjskih poslova mr Ervina Ibrahimovića na 47. svečanoj ceremoniji dodjele nagrada „Najmenadžer & Najkompanija***

Učešće potpredsjednika Vlade za međunarodne odnose i ministra vanjskih poslova mr Ervina Ibrahimovića na navedenom događaju predstavlja priliku za dodatno jačanje političkog, ekonomskog i javnodiplomatskog prisustva Crne Gore u Bosni i Hercegovini, kao i za afirmaciju Crne Gore kao države koja ostaje posvećena regionalnoj saradnji, dobrosusjedskim odnosima, evropskoj integraciji, ekonomskom razvoju i unapređenju infrastrukturne povezanosti regiona.

Bosna i Hercegovina je za Crnu Goru jedan od najvažnijih susjeda i partnera u regionalnom okviru. Odnosi dvije države tradicionalno se razvijaju u duhu prijateljstva, međusobnog uvažavanja i zajedničke evropske perspektive, uz prostor za dalje snaženje političkog dijaloga, ekonomske saradnje, infrastrukturnog povezivanja, saradnje u turizmu, energetici, transportu, kulturi i javnoj diplomatiji.

Poseban značaj učešća ogleda se u činjenici da događaj okuplja predstavnike javnog i poslovnog sektora, kompanija, lokalnih zajednica i drugih relevantnih aktera iz regiona. Time se otvara mogućnost za promociju ekonomskih potencijala Crne Gore, jačanje kontakata sa poslovnom zajednicom Bosne i Hercegovine i regiona, kao i za predstavljanje prioriteta Vlade Crne Gore u oblastima evropske integracije, infrastrukturne povezanosti, održivog razvoja, unapređenja poslovnog ambijenta i regionalne ekonomske saradnje.

Značaj dodjeljivanja nagrade potpredsjedniku Vlade za međunarodne odnose i ministru vanjskih poslova mr Ervinu Ibrahimoviću, prema ocjeni Evropskog nezavisnog žirija, u čijem sastavu su Zijad Bećirović iz Slovenije kao predsjednik Žirija, Stjepan Mesić iz Hrvatske kao počasni predsjednik Organizacionog odbora i Nandino Škrbić iz BiH kao direktor Projekta, ogleda se u činjenici da je nagrada zaslužena kontinuiranim radom, rezultatima rada i razvoja Ministarstva i izvanrednim rezultatima poslovanja i izvrsnosti Vlade Crne Gore, uz ocjenu da je potpredsjednik Vlade za međunarodne odnose i ministar vanjskih poslova veliki borac za stabilizaciju i poboljšanje odnosa među susjedima, kao i za jačanje privredne, kulturne i svih oblika saradnje, koji nastoji da rušenjem stereotipa pronađe najbolja rješenja u postojećim uslovima saradnje i prijateljstva.

Učešće na konferenciji posvećenoj infrastrukturnoj integraciji posebno je značajno imajući u vidu da Crna Gora u kontinuitetu naglašava važnost bolje saobraćajne, energetske i digitalne povezanosti Zapadnog Balkana, kao preduslova za ubrzani ekonomski razvoj, jačanje konkurentnosti i približavanje regiona Evropskoj uniji. U tom kontekstu, poruke ministra vanjskih poslova mogu biti usmjerene na značaj evropske perspektive regiona, bolje povezanosti tržišta, uklanjanja administrativnih barijera, razvoja održive infrastrukture i snaženja konkretnih regionalnih projekata.

## **2. Sastav delegacije**

Delegaciju Crne Gore predvodiće potpredsjednik Vlade za međunarodne odnose i ministar vanjskih poslova mr Ervin Ibrahimović.

Članovi delegacije:

- Tatjana Bulajić - Vučinić, otpravnica poslova u Ambasadi Crne Gore u Bosni i Hercegovini;
- Ivana Šikmanović, generalna direktorica u Generalnom direktoratu za međunarodno-pravne poslove
- Pavle Karanikić, šef Kabineta ministra
- Perko Mijatović, šef Biroa za odnose sa javnošću.

Troškove učešća delegacije snosi Ministarstvo vanjskih poslova Crne Gore.